



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-126-6/24**

Datum: **02.07.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „LAFAT KOMERC“ d.o.o. Kalesija za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekta lakirnice u privrednoj zoni Kalesija, općina Kalesija, na osnovu člana 109. stav (1) tačka 2 i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi:

RJEŠENJE o vodnoj dozvoli

1. Pravnom licu „LAFAT KOMERC“ d.o.o. Kalesija daje se vodna dozvola za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekta lakirnice u privrednoj zoni Kalesija, općina Kalesija, na zemljištu označenom kao k.č. broj: 1216/29, 1216/49 i 1216/60 K.O. Prnjavor, općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da pravno lice, „LAFAT KOMERC“ d.o.o. Kalesija obezbijedi da se sistem za prikupljanje, prečišćavanje i ispuštanje otpadnih voda sa lokacije objekta lakirnice u privrednoj zoni Kalesija, općina Kalesija održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring, a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Rezultate analiza dostaviti ovoj Agenciji.
 - 3.4. Čišćenje otpadne vode iz uređaja za recirkulaciju vode u postupku odmašćivanja i pranja metalnih elemenata, separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije „LAFAT KOMERC“ d.o.o. Kalesija može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. Ukoliko Vlada kantona propiše dodatne (strožije) uvjete, od uvjeta definisanih u Uredbi o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se kod pranja koriste sredstva koja su prikladna okolinskim zahtjevima.
 - 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.12. Osigurati priručna sredstva za brzu intervenciju u slučaju nekontrolisanog istjecanja opasnih supstanci, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „LAFAT KOMERC“ d.o.o. Kalesija, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Obrazloženje

Pravno lice „LAFAT KOMERC“ d.o.o. Kalesija obratilo se ovoj Agenciji sa zahtjevom broj: 22/2024 od 07.03.2024 godine, za donošenje rješenja o vodnoj dozvoli za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekta lakirnice u privrednoj zoni Kalesija, općina Kalesija, na zemljištu označenom kao k.č. broj: 1216/29, 1216/49 i 1216/60 K.O. Prnjavor, općina Kalesija.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 032-0-Reg-22-001736 od 11.11.2022. godine izdat od strane Općinskog suda u Tuzla-ovjerena kopija,
- Ovjerena kopija Uvjerjenja o poreskoj registraciji od 17.07.2013. godine, izdatog od strane Porezna uprava-Kantonalni ured Tuzla,
- Rješenje o vodnoj saglasnosti broj: UP-1/21-3-40-156-2/23 od 27.04.2023 godine izdato od strane «Agencije za vodno područje rijeke Save» Sarajevo,
- Dokaz o uplaćenju upravnoj pristojbi 70 KM,
- Ovlaštenje – punomoć za Dedić - Joldić Aidu broj: 533/22 od 26.09.2022 godine

- Kopija Rješenja o naknadnom odobrenju za građenje broj: 02/2-1-19-2-1776 od 04.03.2024 godine izdatog od strane Službe za prostorno uređenje, geodetske i imovinsko-pravne poslove, Općina Kalesija;
- Opći akt o održavanju, korištenju i osmatranju vodnog objekta i postupanja u slučaju kvara ili havarije za objekat automatska lakirnica, „LAFAT KOMERC“ d.o.o. Kalesija;
- Zapisnik o izvršenom tehničkom pregledu izvedenih radova, juni 2024 godina, sačinjen od strane komisije formirane od strane Službe za prostorno uređenje, geodetske i imovinsko-pravne poslove, Općina Kalesija;
- Fotodokumentacija za ugrađeni separator.

B. Tehnička dokumentacija

- Glavni projekat tretmana i recirkulacije tehnoloških otpadnih voda iz pogona lakirnice i prikaz postojećeg stanje dispozicije svih otpadnih voda sa radno manipulativnih površina predmetnog kompleksa, pravnog lica „LAFAT KOMERC“ d.o.o., Kalesija urađen od strane „TQM“ d.o.o. Lukavac, april 2023 godine,
- Revizija Glavnog projekta br. REV 06-04/23 urađena od strane „EUROING“ d.o.o. Bihać, april 2023 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-126-2/24 od 19.04.2024. godine.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Lokacija predmetnog objekta lakirnice se nalazi unutar postojećeg proizvodno-poslovnog objekta (hala 7) za kojeg je izvršena prenamjena, na zemljištu označenom kao k.č. broj: 1216/29, 1216/49 i 1216/60 K.O. Prnjavor, općina Kalesija dok se cjelokupan kompleks nalazi na k.č. 1216/45, 1216/48 i 1216/18, 1216/47, 1216/36 i 1216/48, 1216/43, 1212/3 i 1216/61, 1216/20, 1216/35 K.O. Prnjavor te k.č. 408/2, 409/6, 410/5, 1213/6, 409/3, 408/3 K.O. Kalesija Grad. Na predmetnoj lokaciji se nalazi i drugi objekti (skladišta gotovih proizvoda, magacini repromaterijala i drugi pomoćni objekti).

Osnovna namjena predmetnog objekta je lakirnica. Postupak čine procesi koji počinju od odmašćivanja metalnih elemenata pa sve do farbanja i pečenja.

Na predmetnoj lokaciji su izgrađeni sljedeći objekti: hala 1-administrativna zgrad, hala 2-bivša limarija, hala 3-proizvodno poslovni objekat, hala 4-montažni pomoćni objekat, hala 5-pomoćni skladišni objekat, magacin 6-repromaterijal i gotovi proizvodi, hala 7-proizvodna hala, magacin i lakirnica, hala 8-montažni pomoćni skladišni objekat, hala 9-proizvodna hala, hala 10-skladište, hala 11-montažna hala, hala 12-skladišni objekat, trafo stanica KSF6 TS 0(20)/0.4 kV.

Za predmetne objekte su pribavljene dozvole.

Osnovna namjena predmetnog objekta je lakirnica tj. procesi od odmašćivanja metalnih dijelova elemenata pa sve do farbanja i pečenja.

Priprema i skladištenje otopine za odmašćivanje vrši se u kadama volumena 9 m³. U tunelskoj komori vrši se odmašćivanje prskanjem po čeličnim dijelovima koji transportuju kroz komoru pokretnom trakom.

Nakon ispuštanja otopine za odmašćivanje u skladišni rezervoar kapaciteta 14 m³ vrši se ponovno punjenje kada otopinom i nastavak rada.

U predmetnom objektu voda će se koristiti u tehnološkom procesu za odmašćivanje i pranje metalnih elemenata. Zaprjane tehnološke otpadne vode se prečišćavaju do potrebnog stepena kvaliteta, a zatim vraćaju u zatvoreni sistem (recirkulacija) tj., neće biti ispuštanja tehnoloških otpadnih voda.

U procesu tretmana i recirkulacije tehnološke otpadne vode u sistemu će nastajati čvrsti otpad koji će se odvajati na hidrauličnoj presi za odvajanje mulja, pakovati u polietilenske vreće ili burad i skladištiti privremeno na određeno mjesto a nakon kategorizacije mulja će se od strane ovlaštene firme periodično odvoziti na trajno zbrinjavanje.

Snabdijevanje vodom za potrebe predmetnih objekata će se obezbijediti sa postojećeg gradskog vodovodnog sistema.

Otpadni materijal će se razvrstavati po kategorijama i zbrinjavati na adekvatan način propisan zakonskom regulativom.

U ostalim objektima na predmetnoj lokaciji se vrše aktivnosti od kojih ne nastaju otpadne vode.

Na lokaciji kompleksa „LAFAT KOMERC“ d.o.o., Kalesija, na asfaltiranoj radno-manipulativnoj površini ispred postojećih objekata hala 3 i hala 4, ugrađen je separator ulja i masti sa taložnikom i koelescentnim filterom za slivnu površinu cca 1900 m². Prečišćena voda će se preko okna za monitoring i putem kanalizacionih cijevi odvesti u otvoreni kanal sa ispuštom u rijeku Spreču.

Predmetni poslovni kompleks se nalazi u industrijskoj zoni općine Kalesija i isti se nalazi u IV zoni sanitarne zaštite izvorišta Krušik. Kod izgradnje poslovnog objekta ispoštovani su zahtjevi (odnosi se uglavnom na kvalitet materijala) a koji bi smanjili rizik od zagađenja izvorišta ili drugih uticaja koji se mogu nepovoljno reflektovati na stanje izvorišta, kvalitet i zdravstvenu ispravnost vode.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „LAFAT KOMERC“ d.o.o. Kalesija ispunio minimum uslova za izdavanje vodne dozvole za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona lakirnice u privrednoj zoni Kalesija, općina Kalesija, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Dostaviti:

- „LAFAT KOMERC“ d.o.o. Ul. Industrijska zona bb, Kalesija (Prilog. Tehnička dokumentacija pod tačkom B. ovog rješenja)
- ⊙ „AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava